



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

18. Eadem res exe[m]plis confirmatur.

urn:nbn:de:hbz:466:1-45701

epiſtola Alexandri I. Papæ; & conſtitutio S. Matthæi Apoſtoli,
 S. Clem. Rō. apud Clementem Romanum iſta. *De aqua, & oleo ego Matthæus*
 lib. 8. Conſtit. *conſtituo, ut benedicat Episcopus aquam aut oleum: ſin verò non*
 Apoſt. c. 35. *aderit, benedicat Presbyter, præſente Diacono. Cùm autem Episcopus*
 Baron. Tom. *aderit, aſſiſtant Presbyter & Diaconus. Dicat autem in hunc*
 1. Annal. Sur. *modum: Domine Sabaoth, Deus virtutum, creator aquarum, &*
 in Chron. *largitor olei, miſerator & amator hominum, qui dedisti aquam ad bi-*
bendum & abluendum, & oleum ad exhilarandum faciem in exulta-
tionem lætitiæ: ipſe etiam nunc ſanctifica per Chriſtum hanc aquam &
oleum ex nomine eius, qui obtulit, vel quæ obtulit, & tribue ei vim ſa-
nandi & depellendi morbum, fugandi demones, expellendi inſidias, per
Chriſtum ſpem noſtram, cum quo tibi gloria, honor, & cultus, ac ſan-
cto Spiritui in ſæcula. Amen. Valere hanc conſecrationem, expe-
rientia teſtatur.

XVIII.

B. Theodor.
 lib. 5. hiſt.
 cap. 21.

B. Epiphani.
 hæreſ. 31.
 Pallad. in
 hiſt. Lauſiac.
 cap. 19.

Andoen. I. 2.
 cap. 20.

Hanc autem contra dæmonem experientiam quōtidianæ
 hiſtoriæ plurimæ oſtendunt. Marcellus Episcopus, apud B.
 Theodoretum, Iouis Apamæni ſanum diruens, vidit Spectrum,
 Acheronticum obſtare, ne materiam ligneam ignis consumeret.
 Quare crucis ſignaculo aquam benedixit, qua ſtammam aſperſit
 accenditque, & ſpectrum fugavit. Iosephus quidam, apud Bea-
 tum Epiphanium, cùm adhuc Iudæus eſſet, hominem inſanum,
 aquæ benedictæ aſperſione reſtituit ſanitati; vti & Macarius,
 priſtinæ formæ feminam, quæ magicis præſtigijs in equam fue-
 rat transformata, effuſâ dumtaxat aquâ ſacra in caput eius.
 Immò S. Eligius Nouiomenſis Episcopus quinquaginta Ener-
 gumenos ſimul, porrecta eis aqua benedicta, liberauit. S. Anno
 Archiepiſcopus Colonienſis, in Germania, S. Macclouius in Gal-
 lia, S. Laurentius Dublinenſis in Britannia, Wilibrordus, Hu-
 bertus, Vrſmarus, Theodorus, & alij paſſim Sancti, hoc rore ſa-
 cro malignos Spiritus perexcruciarunt, fugarunt. Anno Chri-
 ſti 1628. ego ipſe in ſollenni proceſſione, die Veneris ſacro,
 Ingolſtadij, quemdam è Societate noſtra Patrem, collegam
 meum, ac Theologiæ Profeſſorem, multa jam nocte comitatus
 ſum, in quem è ſpectatorum turba audax quædam femina inuo-
 lauit, cuiusque brachium aliquoties plana manu permulſit, quaſi
 ei blandiretur. Vix manum reduxerat, cùm ingens, eodem in
 brachio

brachio dolor Patrem inuaſit, quem uſque ad finem ſupplicatio-
nis coactus eſt tolerare. Vbi domum redijt, aqua benedicta
brachium abluit, ſimulque dolorem ex tempore abſterſit. Di-
cebant omnes, me tunc ad hoc malum fuiſſe deſtinatum, quòd
ea quadrageſima, pro concione, vehementius in Sagas dixiſſem.
Sed Deus ſciens infirmitatem meam, ſuccidaneam ſubſtituit ho-
ſtiam, me patientiorem. Nec mirum eſt harum muliercularum
artes aquam pati non poſſe, cùm ignibus debeantur.

Neque valet tantum contra diabolica, ſed etiam contra
naturalia morborum mala luſtralis hæc aqua. Antiochiæ, An.
Domini 390. illuſtris quædam mulier, cui nomen Euclia, qua-
tuoriam filios amiſerat, iamque etiam quintus ardenti febre
laborans morti proximus erat. Mater itaque illius ſollicitudi-
nis plena ad S. Chryſoſtomum aduolauit, eumque ardentiffimis
precibus, pro filij ſanitate rogauit. Ille autem, ubi diuinitus
vidit, parentum peccata filijs mortem accerſere, *Hunc quoque,*
dixit: quintum, niſi eorum, qua feciſtis, vos ſubierit pœnitentia, vi-
debitis è veſtigio mortuum, & exanimem. Quo audito, parentes
veram, & ſinceram pœnitentiam promiſerunt. Itaque Chry-
ſoſtomus, aquam juſſit afferri, quam, cùm ter ſignafſet in nomine
SS. Trinitatis, & ter eâ aſperſiſſet ægrotum, à morbo liberum,
prorſusque ſanum parentibus reſtituit. Simile miraculum pa-
trant idem Diuus, ante fores templi, quòd mulier Marcionis hæ-
reſi infecta, & inteſtinorum tormina patiens, immò iam uon-
patiens, eſt deportata. Nam cùm eam, eiſque maritum de er-
rore ſuo grauiter admonuiſſet, illique traditam à parentibus
hæreſin ejuraſſent, flexus eorum oratione Ioannes, *juſſit aquam*
afferri, cui cùm diuinum ſignaculum inieciffet Pontifex, mulieri inſu-
dit in Chriſti nomine. Quod quidem cùm factum eſſet, qua in lecto de-
cumbebat, ſtatim ſurrexit ſana, & cum marito, & ciuibus, una voce,
vnanimis Chriſtū magnificabant. Magnificarent fortalle & noſtri
hæreſici, ſi ſimilem aque benedictę fructum experirentur; enim-
uerò fortalle experirentur, ſi magnificarent. De Malachia Hi-
bernix Epicoſo S. Bernardus hæc refert. *Malachias profectus à*
nobis proſperè peruenit in Scotiam: & inuenit David regem, qui ad-
huc hodie ſupereſt, in quodam Caſtello ſuo, cuius filius infirmabatur ad

M m m

mortem.

XIX.

Metaphraſt.
13. Nou. in
uita S. Ioan.
Chryſoſt. An.
Domini. 390.

Idem. & refert
etiam Leo
Imp. in orat.
de laud. Io.
Chryſoſt.

S. Bernard in
uita S. Mala-
chiz. Sur. 3.
Nou. An. 1148.